

華東卷

【上編】



地

方

志

人

物

傳

記

資料叢刊

國家圖書館編

北京圖書館出版社

【華東卷】

上編

第七九冊

地方志人物傳記資料叢刊

國

家

圖

書

館

編

北京圖書館出版社

第七十九冊目錄

(乾隆)福清縣志

人物志	一
道學	三
名臣	一〇
忠烈	一三
節義	一五
風槩	二七
清操	三〇
前修	四八
循良	五二
教澤	五二
儒林	五六
文苑	六五
武功	七二
世德	七五
孝友	八二
鄉行	八三
義行	八三

隱逸	八六
方伎	八九
仙釋	九〇

(道光)晉江縣志

人物志	九三
名臣	一三八
宦蹟	一九二
捍衛	一九四
理學	一九七
忠節	二〇四
友孝	二一八
義行	二二二
篤行	二五〇
儒林	二六一
文苑	二七八
隱逸	二八四
方技	二八八
流寓	二九一
仙釋	二九一

(民國)永春縣志

列傳.....三〇三

唐至宋

明.....三一二

清.....三一七

儒林傳.....三二五

文苑傳.....三三一

忠義傳.....三三六

孝友傳.....三四二

獨行傳.....三四九

方技傳.....三五九

循吏傳.....三六二

流寓傳.....三七二

方外傳.....三七五

(乾隆)安溪縣志

人物.....三七九

理學

儒林.....三八二

忠義.....三八八

孝義.....三九三

文苑.....三九八

廉介.....四〇二

循良.....四〇五

仕蹟.....四一一

武功.....四一六

勞績.....四一七

篤行.....四二一

耆碩.....四二五

隱逸.....四三一

寓賢.....四三二

技術.....四三三

仙釋.....四三五

(民國)南安縣志

人物志.....四三九

名臣

宋.....四四二

明.....四四四

清.....四五七

忠節.....四六四

宋.....四六五

明.....四九一

清.....四九一

宦績.....四九六

孝友	清	明	宋	唐	文苑	清	明	元	宋	唐	儒林	清武宦績	明武宦績	清	明	元	宋
五七五	五六二	五五九		五五八	五五六	五五一	五四五	五四四	五四二	五四〇	五三九	五三二	五三〇	五一六		五〇一	四九八

仙釋	耆壽	清	明	元	宋	隱逸	清	明	元	宋	唐	寓賢	清	義行	清	明	宋
六三七	六二八	六二七	六二六		六二五	六二四	六二三		六二五	六二二		六二一		五九〇	五八二		五七六

福清縣志卷十三

人物志

居今之世志古之人以云鏡也然惟修身行道揚名於後世者列焉邑之人物道學尚矣名位勲業隨其大小而澤加於民伐銘於世君子予之若夫忠孝貞烈統繫綱常之大而名山藏業梓里標踪雖斤斤一節道藝攸屬他如羨門象教游方之外矣顧蛇塵凡圓妙覺其亦有足多者嗚呼人至此而升沉顯晦有不得為政者矣志人物

福清縣志

卷十三

人物

一

道學

宋

王蘋字信伯剎上人程門高弟也寓居平江資清齋粹平居恂恂退讓及語當世之務即習從政者弗逮也紹興間守臣孫祐薦其素行高潔有憂時愛君之心召對賜進士出身除秘書省正字嘗為上言曰人心廣大無垠萬善皆備盛德大業由此而成故欲傳堯舜禹湯文武之道擴克是心焉耳上善之官至朝奉郎楊時常曰同門後來成就無踰

吾信伯矣中書舍人朱震寶文直學士胡安國徽

猷待制尹焞皆舉以自代著有論語直解著作集

祀鄉賢

林亦之字學可綱山人也徙居海口之曲堆盛年挾策遊四方卒以不契去及將謁光朝齊宿與客語夜半聞息入而驚寢者光朝曰寢與人同夢乃自作途大喜吾得師矣自此事之三十餘年光朝席下率數百人然言高弟必亦之以也光朝卒亦之嘆曰程氏寥寥乃有先生自六經絕筆而此為獨

福清縣志

卷十三

道學

二

悟百年宇宙有君子者吾得而師事之百年宇宙無君子者吾不得而師事之其憾何如也而哭之如父忌則哭其墓朱熹早年過莆與光朝語喜躍忘寢食至是再過嘆莆無能為之嗣莆推亦之嗣講席光朝之學一本于躬行言動必以禮超然不喜著書亦之戶外屢幾半于師矣或勸著書荅之詩曰講學紅泉不著書只將心學授生徒趙汝愚帥閩辟入東井書堂待以賓友之禮上其學業于朝命未下而卒所著論語考工記毛詩莊子解多

門人所述唯詩數卷及玉融志其手筆也莆中劉克莊稱其文高處過檀弓穀梁平處猶與韓並驅詩律高妙絕類唐人學者稱網山先生一日月魚先生景定間林希逸追舉其賢贈廸功郎賜謚曰文介子簡字綺伯劉克莊少嘗師之

祀鄉賢

陳藻字元紫候官水西人而僑居于橫塘距海口不半舍初從亦之于網山又從于紅泉時陳叔盥授詩于林光朝與之讀國風于古寺吟諷累夕俄至采蘋掩卷而悟頓得中庸之旨叔盥喜告亦之而

福清縣志

卷十三

道學

三

遂以見光朝曰吾嘗語若詩不謂易不畫無悟入處而今于是尤信吾詩不亡矣乃受其拜而接之如孫藻因爲通儒遂嗣亦之講席明理究學浩然自得入則課妻子耕織出則誘生徒絃誦或拾穗而歌或舞雩而咏獨志孔顏之學學者稱樂軒先生所著有語孟莊子杜詩解并詩集景定間門人林希逸薦其賢贈廸功郎賜謚曰文遠

祀鄉賢

林希逸字肅翁號庸齋縣之漁溪人也曾祖昌言及子介皆紹興進士希逸介姪孫家去莆三舍少從

陳藻于紅泉旣而走江淮聞見益博端平之元解試省試俱魁入太學明年成進士甲科第四人爲平海軍節度推官以清白稱淳祐中遷秘書正字因對乞伸言路早決大計以慰人望理宗皆開納歷翰林權直學士兼崇正殿說書八年以直秘閣知興化軍藻死二十年矣嘗念林陳微絕旣祀藻于家廟又白尚書禁二墓樵採下車首誥學者自南渡後洛學中微朱張未起以經行倡東南使知聖賢心不在于訓詁者自莆南夫子始初疑漢儒

福清縣志

卷一三

道學

四

不達性命洛學不好文辭使知性與天道不在文章外者自福清兩夫子始乃鋟其遺文爲三先生集景定四年爲司農少卿舉亦之藻爲有道士乞詔褒崇之詔謚亦之文介藻文遠俱贈廸功郎有司樹表書謚而祀于學宮春秋釋菜時之評者謂希逸文有模範而邃理學優之文天祥稱其不戚戚得喪而言語文章足以詔今傳後是觀于其大者所著有易講春秋正附篇老莊列口義考工記解竹溪十一稿行于世

祀鄉賢

明

林春字子仁號東城方成里人祖閨自福清以從戎隸泰州守禦所故又爲泰州籍家極貧嘗日中不能炊貫米于隣不得行歌自若其堅苦已如此已而受學于刺史王君某與其鄉先生王汝止兩王君故王陽明先生弟子春因此始聞致良知之學駸駸乎欲以躬踐之嘉靖戊子舉鄉試壬辰會試第一登進士第選戶部廣西司主事調禮部主客司主事又自禮部調吏部文選司主事吏部故矜

福清縣志

卷十三

道學

五

崖岬自示尊重春不以行能先人每羅致諸舍類講學蒸蒸如也後爲稽勳文選郎中官益重而學益勤是時縉紳之士以講學會京師者數十人聰明解悟不乏而志行篤實則推春與吉水羅達夫羅于朋友中最沈密矣春猶疵其露才也則春之自歛可知已將病時會朋友講會子格手足意甚憊惻聞者皆怵惕未數日遂卒生平不喜爲華詞所爲詩文皆務理道質而不艷有如其人嗚呼誠古所謂敦行君子者矣

論曰自聖人往正學微漢儒紛紛附會迄無統

宗凌夷至五季晦蝕斯甚道未嘗亡顧無學以修明耳閩自唐常公衮始教以學然學猶在文未可遽以道言也宋楊龜山師程氏吾道始南嗣是宗濂洛之傳者駸駸日盛朱文公生長於閩得所私淑而道之統宗屬焉福清王蘋列程門高弟固卓然有立者維時莆有林光朝以經行倡東南蓋亦薪傳程氏先文公而得其道者也林亦之乃從之遊而嗣其講席厥後陳藻從

福清縣志

卷十三

道學

六

亦之林希逸又從陳藻一脈相承皆滙宗濂洛以其衍閩學源流不幾乎與大儒並行明則有林春以講學重京師雖有涉姚江宗旨然其恂恂然歛抑不華斯亦學務實修與世之依附新說互標榜以弋榮名者迥別故統而列之人物首焉

名臣

宋

鄭俠字介夫治平中隨父官江寧閉戶苦學王安石

每稱獎之登進士調光州司法感安石知已思欲盡忠秩滿徑入都見安石言新法不便安石不荅俠退不復見久之監安上門安石猶使其子雱來語欲辟爲檢討更命其客黎東美諭意俠正詞拒之時久不雨俠見饑民妻子流離困苦之狀因繪爲圖以進請罷新法且云如陛下行臣之言十日不雨卽斬臣以正欺君之罪詣閣門不納乃假稱密急發馬遁上之銀臺司神宗覽圖長吁數四夜寢不寐翼日燭放新法凡十八事又下詔求言越

福清縣志

卷十三

名臣

七

三日大雨執政入賀乃知出于俠也安石上章乞罷政務呂惠卿繼之盡復新法持之愈堅俠又論惠卿仍取唐魏徵姚崇宋璟李林甫盧杞傳爲兩軸題曰正直君子邪曲小人在位之臣與之暗合者各以其類復爲書以獻惠卿大怒詆俠訕謗欲置之死上謂其忠誠不深罪也乃竄英州哲宗初蘇軾孫覺表爲泉州教授元符中又再竄徽宗立赦還復故官又爲蔡京所奪歸家無所有一拂而已自號一拂居士俠性忠諤雖屢顛沛未嘗忘君

也卒後贈朝奉郎官其孫嘉正爲山陰尉寧宗嘉定六年太常博士劉靖之議謚請謚曰介

祀鄉賢

論曰鄭公一監門吏耳流民一疏幾挽宋室之禍當日政府大僚會有懇直如公者平然則公之秩雖卑其忠誠之概直可與韓富輩比烈也允堪儼型百世

林旦字次中槩之子嘉祐進士熙寧中由著作佐郎歷監察御史裏行居臺五月以論李定事罷後復拜殿中侍御史甫蒞職卽疏論章惇蔡確之黨又

福清縣志

卷十三

名臣

八

言呂惠卿鄧綰又在小郡乞投散地以謝天下又彈王中正石得一翟勅之徒詔金降支郡管校又論崔台符賈種民舞文深酷之罪皆逐之出爲淮南轉運副使歷右司郎中秘書少卿太僕卿終河東轉運使子膚坐元符上書陷黨籍

黃祖舜字繼道大壤人宣和六年進士紹興中累官權刑部侍郎兼侍講進論語講義徽宗令國子監板行賜詔獎諭累論梁舜弼漢弼邦彥養孫不可加恩澤韓彥直不得升秘閣修撰楊愿陰濟秦檜

中傷善類不宜得恩秦熈預其父檣謀讖卒不宜
贈太傅皆得施行其直氣有足稱者官至同知樞
密院事卒謚莊定所著有易說國風小雅說禮記
說歷代史義及遺文十五卷

祝鄉賢

林栗字黃中一字寬夫少卽以聖賢自期篤志好學
留心經術試國子監第一登紹興壬戌進士策語
侵秦檣得下第沈沒下僚一十九年至孝宗朝以
屯田員外郎兼皇子恭王府直講時孝宗懲創紹
興權臣之弊躬攬權綱不任臣下栗言人主不患

福清縣志

卷十三

名臣

九

權在臣下要在使人持權而不以權與之収攬其
權而不必獨持之至有以鹿爲馬之語孝宗稱舍
執政有訴于上曰林栗謂臣指鹿爲馬臣實不願
與同朝出知江州旋以吏部員外郎召兼皇子慶
王府直講有旨令二王非時延講讀官相與議論
時政栗言祖宗所以輔導太子諸王唯以講經讀
史爲事若使延講官講論時政卽有博望之鑒除
右司員外郎遷太常少卿辯正太廟祫享附王之
非外補知湖州陞辭論今日天下大勢元氣雖存

邪氣尤盛引賈誼痛哭流涕爲喻忤時宰意遂以
水灾論免家食八年淳熙間起直寶文閣改荆南
路安撫以春秋直解周易集解進呈詔以書藏秘
府除秘閣修撰進集英殿官至兵部侍郎享年六
十九歲贈少師謚簡肅

祝鄉賢

黃洽字德潤隆興初太學生試春官第二以觀察判
官秩滿謁丞相陳俊卿罷之言于孝宗改京職累
官太常丞召對奏三事稱旨擢秘書郎除右正言
又除試御史每有論列未嘗撝撝細故累人終身

福清縣志

卷十三

名臣

上以爲端士會水旱因祠祭上言此事全在陛下
一心專精愛民身雖法官心則壇壝泮泮左右理
非漠然除御史中丞又言薦舉請托必競于宰執
臺諫之門若不爲人覓舉使士大夫以公道得之
豈不甚善或果有所知露章以薦亦何不可時上
方勵精求治洽言每見嘉納上謂曰卿如良金美
玉殆天以弼朕耶拜叅知政事召商榷除日洽罄
竭無所顧避上大悅曰五十年無此釜除也光宗
受禪特召言事洽奏用人爲首務尋致仕卒贈金

紫光祿大夫洽常云家不欺親仕不欺君明不欺人幽不欺鬼神何用求福居官時或勸治第曰吾未有以報國而先營私乎先人敝廬足庇風雨足矣世稱其質直端重得大臣體所著有文集奏議八十五卷

陳貴誼字正甫慶元己未進士又中博學宏詞科累官太學博士時議更楮幣法貴誼轉對不合遷將作監丞憲府小學教授又奏言路雖開觸犯諱忌者爲好名切蒯時政者爲玩令利害闕于天下是

福清縣志

卷十三

名臣

士

非公于人心一人言之未已或至累十數人言之則又指爲朋黨忠佞不分是非易位史彌遠惡之諷言論罷理宗卽位召爲起居舍人累遷中書舍人直學士院內侍濫受恩賞貴誼輒封還詔書又屢進讜言論初政當求忠實正直奉公愛民知禮義廉恥而不越防範者以克中外之選又言成王之初元臣故老警以無逸勉以敬德期以愷悌可謂忠愛切而慮患深理宗納之紹定間上始親政以爲叅知政事面諭曰頃聞憂國之言朕所不忘

擢兼同知樞密院事嘗奏罷福清海口鎮徑港之稅邑人德而祀之卒贈少保資政殿大學士謚文

定

祀鄉賢

明

林榮字得仁湖邊人博學強記爲文援筆立就洪武初以貢入太學選入禁庭爲承勅郎謙慎齊飭一時名公卿多愛重之學士宋濂嘗曰林榮年雖少公清篤實可大用每在上左右勸上虛已納諫無殺戮太過忤旨左遷泗州知州六載理冤抑撫凋

福清縣志

卷十三

名臣

三

察興學勸農士民德之觀風使者薦其賢召入兵部侍郎榮曉暢軍務綜理周詳尋擢本部尚書榮狀貌魁梧美鬚巨眼每進朝奏對高廟喜曰大眼尚書來矣後因宋濂忤旨帝欲殺濂皇太子憫切救之帝不允太子赴御河時榮在側奮不顧身護之衣衫盡溼次日感風寒暴卒帝聞痛悼命工部給以棺衾遣官扶輓歸葬贈太子少保

王克復字師仁永賓峰前人天順丁丑進士授刑部主事陞員外郎中明熟法律屢奉命按大獄有聲

遷江西叅政湖廣按察使振肅風紀不阿權貴陞
江西布政使時中貴尚銘怙勢驕貨克復朝覲獨
正詞不與由是名益重進右副都御史巡撫南畿
兼督漕運總攬綱維稱得大體轉南京吏部右侍
郎致仕進階資善大夫爲人質厚温和寡言笑不
以聲氣加人確然持正君子稱其犯而不動劇而
不擾年七十八卒于家

薛廷寵字汝承福唐人嘉靖壬辰進士以行人選吏
科給事中會朝鮮以嗣位請世皇帝遣廷寵奉冊

福清縣志

卷十三

名臣

七

往封之事竣還擢都給事中廷寵在諫垣忼慨好
直言無所忌避嘗上疏劾諸大臣皆當時用事者
有旨留用數人時大臣以廷寵言直俱不敢辯獨
嚴尚書在禮曹新有寵輒辯廷寵復劾之世皇帝
曰嚴嵩乃朕所簡用後屢有論建世皇帝悉採納
焉銓部希嵩意欲出之外藩有言廷寵賢奈何使
去左右乃止當嚴嵩恣作威福少有言涉其身者
不令之碎首不已廷寵斥其奸回不遺餘力天子
方簡任嵩置不問然嵩踐揆席未溫亦不敢遽言

其私憾也嗚呼若廷寵者可謂嬰徑尺逆鱗而遭
其誅者矣未幾卒于官貧無以斂鄉人爲治其喪
廷寵事繼母李盡孝其卒也李哭之哀聞者皆隕
涕祀鄉賢

陳仕賢字邦憲玉潤人爲諸生卽以名節自勵臬司
有欲俎豆所親者諷縣具牒督學詢諸生仕賢獨
抗言曰始終以爲不可者陳仕賢也議遂寢登嘉
靖壬辰進士授戶部主事轉杭州知府絕苞苴杜
請托一切利病興革行之不避權貴巡鹽御史苛

福清縣志

卷十三

名臣

五

責屬吏仕賢白御史郡事劇請五日一謁卒無以
難市舶璫橫索民物仕賢據法抗論璫爲稍戢水
旱祈禱多立應杭人以爲國朝郡守治平第一遷
湖廣副使廣東叅政按察司河南右布政時軍興
繁費仕賢廉勤精覈餉無後期故事馬畜民間役
者破產仕賢令養之官民困始蘇擢都御史巡撫
湖廣先是分宜私人視師海上有要弗遂心噉之
會楚中採木急仕賢因水災疏請調停再疏寬租
免役以固根本科臣頤指以眊不任事中之歸里

居賑荒葬骸捐貲建學宮秋毫不干官府居官俸入半散宗黨置祭田書田而自奉僅薄田數畝居第蕭然頽垣也分宜敗巡按李邦珍薦諸朝命未下而卒祀卿賢所著有四留堂存稿奏議六卷子世良亦以孝友行誼著潛心講學所交皆知名士邑城陷人多被掠浙帥某與中丞有舊世良貽書奪回三百人給衣食遣歸生平慕邑先輩林元明所學爲醪金以葬舉明經未及上卒于家

葉向高字進卿年十四縣令許夢熊大奇之爲擇婿

福清縣志

卷十三

名臣

主

途聘而酒之公堂邑人以爲盛事萬曆癸未舉進士選庶吉士解館授編修光皇出閣講學向高訓解明暢光皇殊喜每私告中貴曰此飛鬚先生也萬曆三十五年以禮部尚書召入東閣與山陰朱賡晉江李廷機同事亡何二人或去或歿神廟更不他爰立而向高獨相者八年此時神廟官居久中外有驚釜之憂其大者則所嬖鄭貴妃生福王以母故愛之甚至受封久不之國光皇日在危疑間其他大僚空虛考選沈滯邊餉靳發礦使四出

間有傳諭外難奉行向高心血爲竭唇吻爲枯賴其懇而誠婉而明卽上讀之亦心開有時觸忤久亦爲霽而一時士大夫各立門戶向高亦屢被人言一字不辯但求退而已其大者莫如處王曰乾一事次莫大福王之國其言則莫讜于四十一年元正一疏其餘所以調停國是挽持朝綱不遺餘力矣王曰乾者京師奸人也與孔學訟刑部訟未判突入皇城放砲進本刑部坐禁城放砲事論死曰乾急遂許奏孔學嘗受皇貴妃旨咀呪聖母皇

福清縣志

卷十三

名臣

主

上擁戴福王謀害東宮從獄中具疏向通政司投遞通政司不敢達至持疏人欲自刎以脇之通政惶懼走告向高向高曰毋動遣人告大璫掌東廠者令偵邏上聞因具揭密言貴妃賢明福王賢孝萬萬保無他奸人所爲當靜處之勿介聖懷上初覽曰乾疏震怒拍案良久沈吟曰有此大事如何閣中初無一言左右乃以向高揭進上聞向高有揭卽時寬霽覽畢天顏益和宮中皆大喜幸次日向高復勸上無發此疏發則上驚聖母下怖東宮

皇貴妃與福王皆不自安唯留中勿宣布其奸徒俟別疏批治之要以國法國體兩盡無傷而又速定福王之國吉期以息群喙則天下恬然宗社之幸大矣上悉聽向高言當此之時內自宮闈外及縉紳莫不藉向高一言回天而神廟亦以此感向高舍全其父子兄弟間及福王之國有期上又遲遲未決向高悉爲宛轉撐柱而福王竟之國中外交人情加額以爲國家之福微葉公莫能成也至萬曆四十一年疏則言臣歷考三代以至宋元三千餘年帝王享國四十年以上者僅十君唯殷之大戊高宗稱爲盛治宋仁宗差治其餘皆亂周宣王唐元宗梁武帝則始治終亂然則三千餘年間享國長久而能克終者二三君耳萬曆之紀已四十年天下大蹏久則必弊自非嚴恭寅畏以保持之鮮有不敗者其讜如此也至四十一年則向高在事八年矣先後求去疏六十餘上上不得已勉從之如少師賜坐蟒衾官護送馳驛賜路費金恩禮備至臨行復諭留數日乃去先是癸丑會試上命

向高入兼試事有章奏令中官送闈中票擬而至是諭留數日皆異數也抵家上復遣撫按官存問存問閣臣八十始得向高時方六十又異數也向高家居上念向高屢欲再召之會有阻者罷四十八年神廟賓天光皇卽位復召向高蓋光皇在東宮時時念曰我有大恩人未報故召之亟居一月上崩熹廟卽位以光廟意起向高向高至上亦傾心向之而所保全匡救爲多久之左都御史鄒元標副都御史馮從吾以講學書院事爲兩給事所深求上傳諭欲毀書院向高極言聖明之朝不可有道學之禁遂乞與元標從吾同去上不許最後都御史楊璉勅逾璫魏忠賢事起忠賢故望向高調護之而向高勸上放歸忠賢私第以止人言于是忠賢恨甚內竊國柄時時廷杖諸臣而向高求去決矣疏又先後六十餘上上不得已從之加恩以行是爲天啓五年其明年六十九歲卒向高坦直夷易在朝不以城府待士大夫所建言無非欲破士大夫黨比之習家居布衣徒步遇佳山水意

興勃生神韵散朗一似神仙中人仕特進光祿大夫左柱國太傅吏部尚書中極殿大學士卒崇禎初贈太師特旨謚文忠

載司空何喬遠閩書

論曰大臣之別於具臣非其名位尊崇之謂其謂進而事君必以道自伸不苟徇耶悅焉爾福清碩德名卿項背相望其推誠惻以宏濟艱難本和平以調護元氣者溯厥風徽無忝鼎鉉之重至有志存悟主而瀝血丹青誼篤匡時而批鱗權倖或終阨於位莫究其施要皆偉然負公

福清縣志

卷十三

名臣

五

輔之望者也允宜列而著之彼進退無據貽玷身名雖赫赫焉陟騰躋華直具臣之不若焉已矣後之興起者其何去而何從

忠烈

宋

倪登字彥及場前人元符進士朝請大夫以耶燕雲奉使歿于王事贈大中大夫有論語解行于世林同字子真號空齋公遇子廕官家居性忼慨好義宋幼帝南入海樞密張世傑轉圍泉州傳檄諸州

援之同自以爲先遯龍圖學士挺知杭州瑒直寶章閣累世事宋又有劉仝祖者故爲監丞同妹夫也謀應世傑卽同宅置忠義局宋以仝祖爲福建招撫使景炎元年事敗仝祖出亡自經死衆勸同避之同曰吾宅業名忠義盛服坐堂上嚙指題壁曰生爲忠義臣死作忠義鬼草間足可活吾不苟爲爾諸君何爲者自古皆有死兵至不屈死其爲同妹者若于烈並祀本邑

宋史林同作永福縣

福清縣志

卷十三

忠烈

三

陳有定字國安世爲玉澗人少徙居汀之清流始業農其爲人沈勇喜游俠至正壬辰盜起海上勢且及汀而汀判蔡公安募吏士乘城守有定以鄉里弟子見授黃土寨巡檢從討延邵諸山寨賊平之遷清流簿尋爲清流令己亥陳友諒遣其將康泰取邵武鄧克明寇汀州有定以總管禦之戰于黃土盡獲其部衆克明獨身逃去遷行省叅政辛丑克明復來寇逾戰敗之遂開省于汀州遷左丞甲辰繼開省延平遷行省平章政事悉有閩中八郡

地勝兵數萬人方國珍等來寇敗其師胡深爲明
攻有定逆戰于錦江大破執殺溪閩所使大都道
絕有定歲時遣貢舶由海道取登萊約以十達三
四元主嘉之下詔慰稱有定戊申明皇帝遣將軍
胡廷美取建寧亡何將軍湯和以大兵逼延平齋
書諭降有定大會諸將殺使者取血寘酒中盟諸
將慷慨飲之誓死報元亡何明兵至夾水而陳有
定前戰不利歸會諸將乘城守勒吏士日夜擊小
斗被甲偶立不得更番休息吏士怨甚而有定更

福清縣志

卷十三

忠烈

士

疑蕭院判劉守仁有貳志奪其兵守仁降士卒多
踰城走者圍十日會軍罷局火炮聲發明兵疑有
內應急擊破之有定知事已迫乃與諸將訣曰公
等自爲計吾自死元爾坐省堂按劍仰藥飲盡衆
政文殊海牙等開門降兵入輿有定出門俄值大
雷雨復蘇其子宗海自將樂來就死并執送入京
帝詰之曰元已亡若爲誰守殺我胡將軍又不內
使者今何憊也有定恚曰已矣母多談安得加死
我乎遂并其子殺之

事備載
明史

明

卓敬字惟恭壁江人祖客浙江瑞安縣遂籍焉幼穎
敏相者異之曰此兒骨髮必爲名卿惜血不華色
耳登洪武戊辰進士除戶科給事中時諸王多僭
擬敬乘間爲言太祖足之因以爲宗人府經歷尋
陞戶部侍郎建文初燕王來朝敬密奏王智勇超
絕且據強地宜徙封南昌以絕禍萌疏入帝大驚
翼日面對詞益聳敬猶豫不能用文皇卽位責敬
不奉迎乘輿敬厲聲不遜文皇特憐重之不卽加

福清縣志

卷十三

忠烈

士

戮以姚廣孝言卒族之敬臨刑從容嘆曰變起宗
親略無經畫敬死有餘罪神色凜然經日如生幼
子二時有爲白嬰者匿而逃之一奔豫一還閩居

福州

鄔孟字景浩洪武初甲戌進士任四川道監察御史
清貧自守忠讜有聞在朝屢言時政竟以直諫見
殺妻王氏死之其友戶部員外郎張瑤歸其骸合

葬焉

祀鄉
賢

郭應響字希聲萬程之孫萬曆丙午領鄉書第一天

啓乙丑授祁州刺史課士勸農嚴保甲練戎兵諾
美政無弗舉已已擢刑部員外郎兩月轉戶部督
理甘固糧儲兼三邊贊畫駐節蘭州條革利病修
允府圖法軍皆宿飽時有叛兵過蘭殺將札營金
城關外迺遣曹明輔入諭叛兵皆感泣立誠四克
匍匐解散蘭民始定數上封事言銳車法朝廷嘉
之遂有備兵榆林之擢道經鄜延適前道張爲賊
害于甘泉人人震恐誰肯以身試禍者督撫久知
其才名強留之署應響欣然受命以鄜爲三秦咽喉

福清縣志卷十三

忠烈

三

喉一再發擒斬賊魁無算賊雖歛跡固欲甘心鄜
矣一旦賊糾衆三千餘從間道潛入應響聞警仗
劍出署四顧無銳卒可呼乃急領家丁六七十人詣
北關而賊已烏集矣獨力與抗尚手刃三賊衆寡
不敵竟以身殉事在崇禎壬申二月也事聞初贈
光祿寺丞改贈太常寺卿予祭葬廕卹有加諡忠
烈郡邑諸生合請祀鄉賢以爲名教重署邑令鄭
尚友看諱有云三寸管爲三尺鋒風雷變色三級
首喪三千膽山岳摧形昭日忠肝罄曜明主千霄

義烈猶繞孤城皆死忠之實錄也所著有四書講
解五經註釋管子鈎佷鴻烈精詮及進呈芻言銳
車末議兵法要略多有裨于世云載通紀

薛應齡文峰人天啓辛酉恩貢崇禎癸酉授河南鄧
州州同任五載平易近民民愛服之丁丑春流寇
數萬夜逼鄧城衆皆議守內城齡曰外籬旣撤內
豈能保遂督丁壯力戰而死家人盡殉于河次日
齡尸殯寇在河岬知爲齡皆羅拜曰錯害我薛公
蓋流寇多鄧民也巡按御史劉令譽具疏言狀奉

福清縣志卷十三

忠烈

三

旨贈鄧州知州廕一子世襲

林空字子野號恥齋磁窰人崇禎癸未進士授海寧
知縣邑有妖人以劍術惑衆聚數千人空捕殺之
南都覆杭州不守卒乘機乞餉環署大譟空罪爲
首者而如其請以城孤不能存引去唐王以爲御
史改文選員外郎募兵福寧聞王亡大慟走匿山
中及魯王航海至長垣福清鄉兵請空爲主攻城
翌於陣年四十二海寧名宦邑忠義祠並崇祀同
堂第懋勉舉孝廉以節終空子鍾爵棄青衣入山